

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

NKGIk Gazte Txartelaren hitzarmena berritu du Rural Kutxarekin eta CaixaBankekin

207.000 euro bideratuko dira programara; programak dagoeneko 76.180 titular ditu Foru Komunitatean

Asteartea, 2019.eko urtarrilak 22

Nafarroako Kirolaren eta Gazteriaren Institutuak datozen lau urteetarako lankidetzahitzarmena sinatu du gaur Nafarroako Rural Kutxarekin eta CaixaBankekin, Nafarroan Gazte Txartela banatzeko. NKGIk kudeatzen du Txartela, eta 76.180 titular ditu. Finantza-erakundeetako bakoitzak 83.000 euro emango ditu



Ezker-eskuin: Adela González, Ricardo Goñi, Pablo Andoño eta Ruben Goñi Gazte Txartelaren eredu ezberdinekin.

programa garatzeko. Bestalde, Nafarroako Kirolaren eta Gazteriaren Institutuak 41.000 euro jarriko ditu helburu bererako.

Hauek sinatu dute hitzarmena: Nafarroako Kirolaren eta Gazteriaren Institutuko zuzendari kudeatzailea, Rubén Goñi; Nafarroako Rural Kutxako Erakundeekiko Harremanetarako zuzendaria, Ricardo Goñi; eta CaixaBankeko Txikizkako Bankuko zuzendaria, Pablo Andoño.

Aurrekontu horrekin (207.000 euro), Gazte Txartelak bere titularrei (14-30 urte arteko gazteak) zuzendutako hainbat ekintzaren bidez dinamizatuko du programa. Ekintza horiek partaidetza, sormena, elkartasuna, jasangarritasuna, mugikortasuna eta antzeko balioak sustatu behar dituzte, eta gazteak gizarteratu eta haien bizi-kalitatea hobetu.

Gainera, otsailaren 16an, 30 urte beteko dira Nafarroa Europako Gazte Txartelari atxikitzeko hitzarmena sinatu zenetik. Hortaz, programak ezusteko ugari eskainiko ditu data hori ospatzeko, azken hiru urteetan programak urtaro bakoitzean eskaintzen dituen jarduerekin batera.

Aurreko kanpainan iragarri ziren berrikuntzen artean, European Youth Card Association (EYCA) elkartearen webgune berria sortzearena zegoen, askoz ere dinamikoagoa eta irisgarriagoa. Aurten, badago webgune hori, baita titularren Europako datu-base erraldoi bat ere, Europa osoko gazteek promozio paneuroparrak eskuratu ahal izan ditzaten. Horretarako, Gazte Txartela egokitze-prozesuan dago, titularrek promozioak eskuratu ahal izan ditzaten.

Berrikuntza guztiak sare sozialen bidez ezagutaraziko dira: [Twitter](#), [Facebook](#) eta [Instagram](#); baina baita Gazteentzako Informazio Buletinaren

eta NKGIren [webgunearen](#) bidez ere.

Gazte Txartelaren Batzordea hiru hilez behin bilduko da, proposamenak baloratzeko eta hiruhilekoan egiten diren ekintzen segimendua eta ebaluazioa egiteko. Hauek osatuko dute Batzordea: NKGIko zuzendari kudeatzailea, Rubén Goñi; Gazteriaren zuzendariordea, Adela González; NKGIko teknikariak; eta Rural Kutxako eta CaixaBankeko marketineko arduradunak (Carmen Díaz de Rada eta Sara Larumbe, hurrenez hurren).

Deskontuak 38 herrialdetan

Gazte Txartela programa European Youth Card Association (EYCA) elkarteak zuzentzen du eta Europako Kontseiluaren babesa du. 80.000 puntuk baino gehiagok eskaintzen dituzte deskontuak Txartela duten 38 herrialdeetan. Puntu horiek Gazte Txartelaren establezimendu laguntzailearen eranskailua dute, eta deskontuak salmenta-prezioari aplikatzen zaizkio, eskaintza berezietan edo merkealdietan izan ezik.

Gazte Txartelak bi modalitate ditu: klasikoa eta finantzarioa. Klasikoa **online** eskatu edo berritu daiteke iaztik, eta doan jaso dezake titularrak, etxean bertan, Gazteriaren egoitzan (Yanguas y Miranda 27, Iruña) eta Gazteriaren Lizarrako, Tuterako edo Tafallako zerbitzuetan. Finantzarioa Nafarroako Rural Kutxaren eta Nafarroako La Caixaren edozein bulegotan tramitatzen da.

2018ko balantzea

2018an, 21 jarduera antolatu ziren zinemarekin, antzerkiarekin eta musikarekin lotuta, eta zortzi mila ehun eta berrogeita hamar gaztek baino gehiagok gozatu zuten haietaz. Ikastaroetan eta tailerretan ehun pertsonak baino gehiagok hartu zuten parte, eta aisiarekin eta abenturarekin erlazionatutako aire zabaleko jardueretan, berriz, Gazte Txartela duten 1.300 pertsonak baino gehiagok.